

অবিলম্বে প্রকাশের উদ্দেশ্যে: 3/2/2019

গভর্নর অ্যান্ড্রু এম. কুওমো

গভর্নর কুওমো নিউইয়র্কের অধিবাসীদের রবিবার উল্লেখযোগ্য তুষারপাতের সম্ভাবনার জন্য
প্রস্তুত থাকার আহ্বান জানিয়েছেন

তুষার ঝড়ের ফলে স্টেটের কিছু এলাকায় 12 ইঞ্চির মতো তুষার জমতে পারে

*ঝড় সোমবার সকালের যাতায়তকে বিঘ্নিত করতে পারে; গাড়িচালকদের সতর্কতা অবলম্বন
করতে বলা হচ্ছে*

গভর্নর এন্ড্রু এম. কুওমো আজ এক বার্তায় নিউইয়র্কের অধিবাসীদের ঝড়ো আবহাওয়া-জনিত কারণে রবিবার
রাত থেকে সোমবার সকাল পর্যন্ত স্টেটে উল্লেখযোগ্য তুষারপাতের সম্ভাবনার জন্য প্রস্তুত থাকার আহ্বান
জানিয়েছেন। ঝড়ো আবহাওয়ার ফলে সোমবার সকালে গাড়ি চলাচল কঠিন হয়ে উঠতে পারে এবং নিউইয়র্কের
অধিবাসীদের চলাচলের সময় সাবধানতা অবলম্বন করা উচিত।

"এই শীতে প্রকৃতি শান্ত হওয়ার কোনো লক্ষণ দেখা না যাওয়ায়, স্টেটের অনেক অঞ্চলে রবিবার রাত থেকে
উল্লেখযোগ্য তুষারপাতের সম্ভাবনা রয়েছে যা সোমবারের চলাফেরাকে বিঘ্নিত করতে পারে", **গভর্নর কুওমো
বলেন।** "আমি নিউইয়র্কের অধিবাসীদের স্থানীয় আবহাওয়ার পূর্বাভাসের দিকে নজর রাখার এবং ঝড়
চলাকালীন একান্ত প্রয়োজন না হলে রাস্তায় বের না হওয়ার আহ্বান জানাচ্ছি যাতে করে ক্ষতিগ্রস্ত অঞ্চলে দ্রুত ও
নিরাপদ উপায়ে সড়ক সাফ করা নিশ্চিত করা যায়।"

রবিবার, ঝড়ো আবহাওয়া ইস্ট কোস্টের দিকে অগ্রসর হবে ও দক্ষিণ দিক থেকে স্টেটে আঘাত হানবে, এবং
স্টেট অতিক্রম করার সময় এটি দক্ষিণ-পশ্চিম থেকে উত্তর-পূর্ব দিকে সরে যেতে থাকবে। আবহাওয়াবিদরা
বর্তমানে ঝড়টির দুটি গতিপথ পর্যবেক্ষণ করছেন। এ সময়ে, এবং গতিপথ পরিবর্তন সাপেক্ষে, স্টেটের
নিম্নাঞ্চলে ও উপকূলীয় অঞ্চলগুলোতে ঝড়টি মূলত বৃষ্টিপাতে অথবা বৃষ্টি ও তুষারপাতের মিশ্রণে পরিণত হবে,
এবং মধ্য-হাডসন অঞ্চলে এটি মূলত তুষারপাতে রূপ নিবে। স্টেটের একটু উপরের দিকে, ঝড়টির গতিপথ
তুষারপাতের পরিমাণে তারতম্য ঘটাবে। ঝড়টি যদি দক্ষিণ-মুখী হয়, সেক্ষেত্রে I-81-এর পার্শ্ববর্তী ও পূর্ব দিকে
ও I-90-এর পার্শ্ববর্তী ও দক্ষিণ দিকে সবচেয়ে বেশি তুষারপাত হবে। ঝড়টি যদি উত্তর-মুখী হয়, পশ্চিম
নিউইয়র্ক ও সাদার্ন টিয়ার অঞ্চলে সবচেয়ে বেশি তুষারপাত ঘটবে।

ঝড় চলাকালীন ফিঙ্গার লেকস, নর্থ কাউন্টি, ও পশ্চিম নিউইয়র্ক অঞ্চলগুলোতে 1 থেকে 3 ইঞ্চি পরিমাণ
তুষারপাত, এবং সেন্ট্রাল, লং আইল্যান্ড, মোহাওক ভ্যালি ও সাদার্ন টিয়ার অঞ্চলগুলোতে 2 থেকে 5 ইঞ্চি পরিমাণ
তুষারপাত হতে পারে; এছাড়া ক্যাপিটাল, মধ্য-হাডসন ও নিউইয়র্ক সিটি অঞ্চলগুলোতে 3 থেকে 12 ইঞ্চি
পরিমাণ তুষারপাত হতে পারে।

সপ্তাহান্ত জুড়ে নিউইয়র্কের অধিবাসীদের স্থানীয় আবহাওয়া প্রতিবেদনগুলোর উপর ঘনিষ্ঠ নজর রাখা উচিত। আবহাওয়া পর্যবেক্ষণ, সতর্কীকরণ, উপদেশ এবং সর্বশেষ পূর্বাভাসের সব খবরাখবরের জন্য, ন্যাশনাল ওয়েদার সার্ভিস (National Weather Service)-এর [ওয়েবসাইট](#) পরিদর্শন করুন।

নিরাপদ যাত্রা

নিরাপদ ড্রাইভিং এর কিছু সবচেয়ে গুরুত্বপূর্ণ পরামর্শগুলির অন্তর্ভুক্ত হল:

- যখন শীতকালীন ঝড় আঘাত হানে, তখন প্রয়োজন না হলে ড্রাইভ করবেন না।
- সেতুগুলোয় সাবধানতা অবলম্বন করুন যেহেতু বরফ সেখানে রাস্তার চেয়ে দ্রুত জমাট বাঁধে।
- ভেজা পাতা রাস্তাকে পিচ্ছিল করতে পারে, তাই যখনই সামনে তাদের একটা স্লুপ আসবে, তখন আরো ধীর গতিতে গাড়ি চালানো গুরুত্বপূর্ণ।
- আপনার ভ্রমণ আবশ্যিক হলে, নিশ্চিত করুন যে আপনার গাড়িতে কন্সল, বেলচা, ক্ল্যাশলাইট ও অতিরিক্ত ব্যাটারি, অতিরিক্ত গরম কাপড়, এক জোড়া টায়ার চেন, ব্যাটারি বুষ্টার তার, সহজে শক্তি প্রদানকারী খাবার এবং ডিসট্রেস ক্ল্যাগ হিসেবে ব্যবহার করতে উচ্ছল রঙের কাপড়-জাতীয় টিকে থাকার সরঞ্জামাদি থাকে।
- আপনার ব্যবহার উপযোগী সেল ফোন বা অন্যান্য যোগাযোগ যন্ত্র যেমন টু-ওয়ে রেডিও থাকলে, সেগুলোর ব্যাটারি চার্জ দিয়ে রাখুন এবং ভ্রমণ করার সময় এটি আপনার সাথেই রাখুন। আপনি যদি কোথাও আটকা পড়েন, আপনি সাহায্যের জন্য ফোন করতে পারবেন, উদ্ধারকারীকে আপনার অবস্থান সম্পর্কে জানাতে পারবেন।

শীতকালীন ঝড়ের সময়ে সবচেয়ে বেশি মৃত্যু ও আঘাতের কারণ হল পরিবহন দুর্ঘটনা। গাড়ি চালানো শুরু করার আগে, আপনার গাড়ি যাতে বরফ ও তুষারমুক্ত থাকে তা নিশ্চিত করুন; ভালো দৃষ্টিশক্তি ভালো গাড়ি চালানোর চাবিকাঠি। কোথায় কোথায় থামবেন তার পরিকল্পনা করে নিন এবং দুই গাড়ির মধ্যে দূরত্ব বজায় রাখুন। অতিরিক্ত সতর্ক থাকুন এবং মনে রাখবেন যে বাতাসে থাকা তুষারের কারণে ছোট শিশুদের দেখা নাও যেতে পারে। সবসময় রাস্তা ও আবহাওয়ার পরিস্থিতির সাথে মিলিয়ে আপনার গতি ঠিক করুন।

সব সড়কের গাড়িচালকদের জন্য এটা জানা গুরুত্বপূর্ণ যে রাস্তায় ছিটানো লবণ ড্রাইভিং লেন ছাড়িয়ে রাস্তার বাইরে চলে না যায় তা নিশ্চিত করতে তুষার-অপসারণ-যন্ত্র ঘন্টায় 35 মাইল পর্যন্ত গতিবেগে চলে, যা অনেক ক্ষেত্রেই প্রদত্ত নির্ধারিত গতি সীমার চেয়ে কম। বারংবার ইন্টারস্টেট হাইওয়েতে, তুষার-অপসারণ-যন্ত্র পাশাপাশি কাজ করে, যেহেতু অনেকগুলো লেন একসাথে পরিষ্কার করার এটা সবচেয়ে কার্যকর ও নিরাপদ উপায়।

এছাড়াও গাড়িচালক ও পথচারীদের এটা মাথায় রাখা উচিত যে তুষার-অপসারণ-যন্ত্র ড্রাইভারদের দৃষ্টিসীমা সীমিত থাকে, এবং যন্ত্রগুলোর আকার ও ওজন বেশি হওয়ায় এগুলো দ্রুত গতিপথ পরিবর্তন ও থামানো কষ্টসাধ্য। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটাতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়িচালকদের জন্য সবচেয়ে নিরাপদ জায়গা হল তুষার-অপসারণ-যন্ত্রের বেশ খানিকটা পেছনে থেকে চালানো কারণ সেখানে রাস্তা পরিষ্কার ও লবণাক্ত থাকে।

###

অতিরিক্ত তথ্য পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসারস্কাইব করুন](#)